

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 138a. stav (1) Zakona o radu („Službene novine Federacije BiH“, broj: 26/16, 89/18, 44/22), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 16. sjednici, održanoj dana 09.02.2024. godine, d o n o s i

ODLUKU

o davanju saglasnosti na Kolektivni ugovor o izmjenama i dopuni Kolektivnog ugovora za djelatnost osnovnog obrazovanja za teritorij Zeničko-dobojskog kantona

Član 1. (Predmet)

Vlada Zeničko-dobojskog kantona daje saglasnost na Kolektivni ugovor o izmjenama i dopuni Kolektivnog ugovora za djelatnost osnovnog obrazovanja za teritorij Zeničko-dobojskog kantona koji je prethodno dodatno usaglašen od strane učesnika u postupku pregovaranja o usklađivanju Izmjena i dopuna Kolektivnog ugovora za djelatnost osnovnog obrazovanja za teritorij Zeničko-dobojskog kantona i to: Sindikata osnovnog obrazovanja i odgoja, Federacije Bosne i Hercegovine - Kantonalni odbor Zeničko-dobojskog kantona kao reprezentativnog sindikata, odnosno predstavnika radnika i ministra Ministarstva za obrazovanje, nauku, kulturu i sport Zeničko-dobojskog kao predstavnika nadležnog ministarstva Vlade Zeničko-dobojskog kantona.

Član 2. (Ovlaštenje za potpis)

Ovlašćuje se Mirza Mušija, ministar Ministar za obrazovanje, nauku, kulturu i sport Zeničko-dobojskog kantona da u ime Vlade Zeničko-dobojskog kantona potpiše Izmjene i dopunu Kolektivnog ugovora iz člana 1. ove odluke sa Sindikatom osnovnog obrazovanja i odgoja, Federacije Bosne i Hercegovine – Kantonalni odbor Zeničko-dobojskog kantona.

Član 3. (Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

PREMIJER

Broj: 02-30-2687/24

Datum, 09.02.2024. godine

Z e n i c a

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Stručna služba Vlade,

1x „Službene novine Zeničko-dobojskog kantona“,

1x a/a.

Na osnovu člana. 138a. stav (1) Zakona o radu ("Službene novine Federacije BiH", broj: 26/16, 89/18 i 44/22), Samostalni sindikat osnovnog obrazovanja i odgoja Federacije BiH – Kantonalni odbor Zeničko-dobojskog kantona (u dalje tekstu: Sindikat), kao predstavnik radnika, i Vlada Zeničko-dobojskog kantona (u daljem tekstu: Vlada), kao predstavnik poslodavca, zaključuju

**Kolektivni ugovor
o izmjenama i dopuni Kolektivnog ugovora za djelatnost osnovnog obrazovanja za teritorij
Zeničko-dobojskog kantona**

**Član 1.
(Izmjena člana 25.)**

U Kolektivnom ugovoru za djelatnosti osnovnog obrazovanja za teritorij Zeničko-dobojskog kantona ("Službene novine Zeničko-dobojskog kantona", broj: 17/22) u članu 25. broj „0,5%“ se mijenja brojem „0,6%“.

**Član 2.
(Izmjena člana 26.)**

U članu 26. stav (2) se mijenja i glasi:
„(2) Utvrđuju se koeficijenti platnih razreda kako slijedi:

R/br.	Poslovi	Koeficijent
1.	Direktor osnovne škole	3,63
2.	Pomoćnik direktora osnovne škole	3,43
3.	Nastavnik, stručni saradnik, viši savjetnik u osnovnoj školi	3,39
4.	Nastavnii, stručni saradnik, savjetnik u osnovnoj školi	3,29
5.	Nastavnik, stručni saradnik u osnovnoj školi	3,21
6.	Saradnik - asistent u nastavi; administrativni i finansijski poslovi: sekretar škole, računovodstveni i slični poslovi	2,69
7.	Obezbjedenje objekta i opreme, ložac, domar, kuhar i đачkoj kuhinji	2,04
8.	Održavanje higijene	1,79

**Član 3.
(Izmjena člana 32.)**

(1) U članu 32. stav (2) tačka b) mijenja se i glasi:
„rad u osnovnoj školi za odgoj, obrazovanje i rehabilitaciju osoba sa poteškoćama u psiho-fizičkom razvoju 10% na osnovnu plaću“

(2) U članu 32. stav (4), riječi „stručnom nastavniku“ zamjenjuju se riječju „radniku“.

Član 4.

(Dopuna člana 40.)

U članu 40. iza stava (3) dodaje se novi stav (4) koji glasi:

„(4) Radniku koji obavlja radne zadatke u područnoj školi redovne osnovne škole do koje nema organozovan javni prevoz, priznaje se naknada u visini 15% cijene litre benzina BMB 95 na teritoriji Bosne i Hercegovine, po pređenom kilometru na relaciji od centralne osnovne do područne škole kojoj pripada“.

**Član 5.
(Izmjena člana 45.)**

U članu 45. brišu se riječi: „ , koji je u neposrednom odgojno-obrazovnom procesu,“.

**Član 6.
(Stupanje na snagu)**

Ovaj Kolektivni ugovor stupa na snagu danom potpisivanja od strane ovlaštenih predstavnika, primjenjivat će se od 01.01.2024. godine, a objavit će se u „Službenim novinama Zeničko-dobojskog kantona“.

**Za SAMOSTALNI SINDIKAT OSNOVNOG OBRAZOVANJA I ODGOJA F BiH
KANTONALNI ODBOR ZENIČKO-DOBOJSKOG KANTONA
PREDSJEDNIK:**

Selvedin Šatorović _____

Broj: _____

Zenica, _____ . godine

**Za VLADA ZENIČKO-DOBOJSKOG KANTONA
Po ovlaštenju Vlade Zeničko-dobojskog kantona
MINISTAR:**

Mirza Mušija _____

Broj: 10-30-17671-/24

Zenica, _____ godine